

四庫全書存目叢書編纂委員會編


齊魯書社

四庫全書存目叢書

集部
第八二冊

責任編輯：孫言誠 賀 偉

ISBN 7-5333-0615-5



9 787533 306151 >

EB21/04

四庫全書存目叢書·集部八二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 51.25 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第八二冊目次

集部・別集類

芝園定集五十一卷別集十卷外集二十四卷(二)

〔明〕張時徹撰

四川省圖書館藏明嘉靖刻本

.....一

芝園定集五十一卷別集十

卷外集二十四卷(二)

〔明〕張時徹撰

四川省圖書館藏明嘉靖刻本

附《四庫全書總目·芝園定集

五十一卷別集十一卷》提要

芝園定集卷之十五

七言律體目錄

歸田稿

致仕還山次潞橋楊公見贈

又次李西野見贈

乙卯除日

丙辰元日

得京師書

閒居四首

答梁雨疇見訊二首

述九山學士之留都

中秋獨坐

中秋後四日燕東明宅月下汎舟二首

葦厓成虞亭之會即席次韻

南禺過宿敝居賦謝

偶作

與葦厓訪竹墟留酌

諸公過舍小酌次前韻

芝園定集卷之十五

風雨苦寒訊南禺二首

雪

題仲氏新居

次雨疇招飲作

立春

丙辰除夕

丁巳元日

元夕雨

元夕後觀燈

元夕初晴次葦厓韻

次劉西川韻答贈

初晴

庭前牡丹花盛開

遊天王寺次成韻

重遊金峨寺二首

簡南禺

友山詩贈李隱君

贈張畸人

簡竹墟

次韻送葦厓赴閩藩

丁巳生日

村居寫懷次友人韻二首

次韻答竹坡見訊	丁巳長至
竹墟席上用家字	至後漫興次雨疇
次韻答朱東籬見贈	贈三子詩
歎白髭	寄許茗山
丁巳除夕	詠紅梅
春陰	寄韋南茗
為竹墟悼亡姬	贈覺心禪師
壽東湖黃公八十	次竹墟雨後見月
次韻壽金近山	贈施引之
贈楊雙坡	宅泉詩
贈楊木山	詠杜鵑花次東籬韻
端陽舍下雨集即席限韻	二
赴蛟川舟中即事	詠金氏石假山
中秋對月三首	
金近山以詩寄贈次韻奉酬	
良甫以詩為壽次韻自賦	
風雨書懷三首	賦新池次雨疇韻
贈淡雲都綱六十	
陳棟塘以詩見訊次韻酬答二首	
寄韋南茗二首	悼亡妾
贈內子六十生旦	春日燕陸會泉村莊
梁雨疇載酒遊柳亭庵	燕吳景川宅

立夏日李孝甫招遊祖關次雨疇韻	
贈柴少尹	壽竹墟六十
贈嘉甫六十	贈興甫六十
六十生旦志感	燕集包少尹宅即席限韻
己未除夜涵碧堂小集限韻因成首尾吟二律	
春日閒吟次竹墟	
十八夜心遠堂觀燈即席限韻	
春日飲陸會泉宅限韻	與葦厓話別次竹墟
雨中看花	崇思泉宅燕集限韻
閒居漫賦	賦石假山初成
次南禺見懷之作	秋日集柳亭次韻
村居漫賦四首	燕包叅軍宅即席次韻
新構小樓作	晚眺
冬日涵碧堂燕集即席次韻	
聞東明侍郎歸次韻有作	
題李友山村莊	送沈嘉則遊三吳
冬月見海棠花次梁博士	
飲李友山別業即席賦	改作石假山次葦厓
翫牡丹次竹墟	答竹墟見訊二首
題李山人蕭舉別業	吳珠江過訪有贈
贈立壺林生	

芝園定集卷之十五

七言律體

歸田稿

致仕還山次潞橋楊公見贈

江左山川足大觀黃花一路伴征鞍
雲霄乍判鷗鷺侶丘壑應憐枕簟安
聊共兒童翻卷帙時從羽客問金丹
江湖廊廟真無異且向林臯藝蔗蘭

又次李西野見贈

無端鄉思遠青山珍重君恩特賜還
門徑尚憐松菊在兒童爭訝髮毛斑
許身何意空成夢投老于今始得閒
架上詩書元舊侶只應終日掩柴關

乙卯除日

芝園定集卷十五

君王恩詔賜明農種藥燒丹碧海東
犬馬未能終報主頭顱今已漸成翁
由來世態同田甲何用書門擬瞿公
自是林泉棲息好故山猿鶴得相從

丙辰元日

役役風塵兩鬢銀歸來又見歲華新
已無名姓懸朝籍時以桑麻問野人
山館寒梅初度曲河橋啼鳥不禁春
廟謨何日匡夷難釣海樵雲恆隱淪

得京師書

雲端尺素太勤渠問我蕭條水竹居
往事謾勞憐破甑不才應合早懸輿
青山策杖頻尋藥碧海乘槎獨釣魚
邊徼但求烽火息江湖還上太平書

閒居四首

白石清沙一草堂濯纓門外即滄浪
著書故有康成癖鼓瑟還同曾點狂
卧病不知更甲子醉歌那復按官商
江花野草堪乘興坐看澄湖雲水光

十年湖海夢偏長此日新裁薜荔裳
釣艇自移波不定風簾初捲燕爭翔
庭前徧種忘憂草囊裏頻收却老方
四海交游今漸絕應將踪跡比嵇康

積雨經旬碧草齊閉門無事學鷄栖
風輕波面魚朝戲月白城頭鳥夜啼
姓字不須通紫閣烟霞今已占清溪
莫將身世悲摧落蕉鹿元來夢轉迷

芝園定集卷十五

豈是桃源隱士居棲遲終日混樵漁
近人沙鳥驚還定戀水溪雲卷復舒
忘世未能同五柳遠遊空自憶三閭
從前竊祿真無補慙愧滄江舊釣徒

答梁雨疇見訊二首

海濱深處結幽居白石清泉勝有餘
秋月故隨人意好窓禽偏語夢醒初
休憐齊客空鳴瑟且學任公獨釣魚
廊廟自來知已少不須更著絕交書

地僻曾無車馬來清尊留待故人開
誅茆新作栽花徑疊石還成翫月臺
梧竹紛紛將屋遠雲山一一自天裁
逃名幸有林泉樂又見年來白髮催

送九山學士之留都

常年簪筆侍明光新領金泥出建章
共羨文章傳史策即

李倫門牆仙都賸有陽春賦奉璧衣輝白玉堂聖主
於今方側席還應補衮詠明良

中秋獨坐

窈窕江城秋氣涼風生蘭桂滿庭芳澄湖小艇雙魚笛野
寺疎鐘半夕陽多病不禁添白髮故人何處醉清觴那堪
佳節翻蕭瑟明月終宵逗草堂

中秋後四日燕范東明宅月下汎舟二首

已負中秋明月華追歡贏得使君家河橋畫閣顚霞釵鼓
角清風碧漢斜繡綵金尊歌子夜道遙星渚汎仙槎相看
盡是瀛洲伴與爾沿洄興未涯

芝園定集卷五

三

樓映水月橫斜酣歌猶是乘佳節遊泳還同艤釣槎却怪
從前孤勝賞何如長住碧溪涯

莓厓成虞亭之會即席次韻

何似城陰半畝居雲山收拾盡無餘雕欄畫壁人題遍翠
竹黃花我到初華燭共看揮王麝芳尊不用解金魚只疑
深夜文星聚他日應煩太史書

南禺過宿敝居賦謝

平生然諾重千金白首相親意轉深總為避人成獨往時
因卧病憶同心澄湖碧月看雙劍短榻清風鼓素琴對酒
不須多感慨樓遲久已狎山林

偶作

每向天涯怨轉蓬故園今見菊花叢丹楓亂落寒江月短
笛輕流碧漢風耕稼已曾營鄭谷草玄猶自學楊雄北山
不用移文諄歲晚長隨麋鹿踪

與莓厓訪竹墟留酌

今夕何為笑語頻兼旬相別復相親干戈滿眼愁仍劇尊
酒論文意總真林鳥避風時集屋庭花帶雨各爭春燈前
莫漫悲華髮子夜高歌調轉新

諸公過舍小酌次前韻

與君酌酒莫辭頻海內交游誰更親朝市紛紜俱是夢山
林棲息且藏真庭前宿鳥寒爭竹江畔疎梅暗漏春共憶
平生多感慨故園又見歲華新

芝園定集卷五

四

風雨苦寒訊南禺二首

悲風颯颯雨淒淒寂寞茅簷畫掩扉載酒有誰來問字授
餐空復念無衣漁舟自照孤燈宿林鳥爭尋灌木歸莫怪
袁安偏穩卧年來應息漢陰機

嗟君何事僝荆扉雪麓霜林面面圍水底寒魚穿穴伏雲
中落葉滿天飛江湖夢寐多憂患朝市音塵有是非但把
詩書娛白髮故園松鶴足相依

雪

仲蔚門閭已自幽更兼飛雪滿庭陬瑤臺迥出三千界玉
壘分排十二洲梁苑漫誇司馬賦山陰誰棹剡溪舟親朋
有意能相訪尊酒還應盡日留

題仲氏新居

當年與爾惜分荆十載辛勤締構成白日魚龍馴水澤清
宵星斗掛簷楹傳經故有玄成訓植桂還同竇氏庭何用
貽謀垂燕翼常將冰玉嗣家聲

次雨疇招飲作

共說東南美主賓白駒今日又相親寒雲半捲城頭樹斜
日輕籠水面頭已辦琴尊消永夜還將詩賦接青春與君
同有林泉好莫負移書選勝辰

立春

春風一夜到江城喚起山禽處處鳴甲第歌鐘侵曉漏官
家綵勝雜瑤簫遂萊乍見金銀色閨闈初暉日月精自賦

李國定集卷五

遊仙頻擊節何人傳作管絃聲

丙辰除夕

荏苒流光歲又除江湖渺渺獨愁予轅門下報平夷捷海
國還占望氣書白髮不禁頻改火青山只合早懸車
煮石從吾好懷抱于今亦自舒

丁巳元日

解組歸來兩歲華園林竊窺即仙家梅花向我有何意駒
隙催人空自嗟已有春風吹蕙徑還同野老覓丹砂相逢
盡說豐年瑞到處惟聞鼓角譁

元夕雨

士女紛紛結伴行萬家同奏管絃聲却憐蓬島齊爭麗朝

妬嫦娥不放晴寶馬香車空自勝雕闌錦障共誰憑六街
稚子貪歡賞亂唱村謠不辨名

元夕後觀燈

九街春色夜冥冥競續銀燈簇畫屏七寶籠中懸碧月六
釐架上錯華星共將金谷酬餘興坐看瑤池會百靈莫道
太平今正好年來開闢半凋零

元夕初晴次葦厓韻

莫道良宵露景遲清輝正及賞燈時歌翻白紵揮談麝香
鼻丹霞落酒卮萬箇凌波揚素草芙蓉池露亞嬌枝故園
幸有同袍樂共續昇平既醉詩

次劉西川韻答贈

李國定集卷五

當年木榻破猶存晨起窮經每到昏卧引鳴禽穿戶牖閒
裁綠草徧丘園憂時擬獻郇鄭字對客長談老氏言莫道
幽樓無一事青衿爭向馬融門

初晴

春光一月雨中過無奈今朝露景何江雲初開山色近林
花初放鳥聲多出門步步憐芳草對酒時時發浩歌聞道
錢湖春更好買舟東去詠滄波

庭前牡丹花盛開

乞得仙家第一花今年花發勝仙家祥雲繡縹合香雪羣
羽參差雜絳霞洛水未能追勝賞柴桑聊自作生涯東風
莫妬傾城色好伴芳尊樂歲華

遊天王寺次成韻

春來無日不尋花，一入招提即是家。
松檜匝雲常作雨，園林向晚自舒霞。
采芝直到青山曲，弄月偏於碧水涯。
來往不須傷歲月，清虛久已謝繁華。

重遊金峨寺二首

昔年曾到說經臺，醉裏題詩掃綠苔。
十載江湖雙鬢改，青山樓閣九天開。
雲封石室僧還定，鶴雉瑤階客共來。
細草閒花隨地發，芳春不用主人裁。
香磴遙通薄上台，鐘鳴繞見石門開。
老僧顧我驚華髮，明月親人照酒杯。
遠屋青山縈綺繡，穿林絕壑動雲雷。
追隨盡是淩霞客，共卧天邊白玉臺。

簡南禺

一住蛟川兩月餘，如何不寄一行書。
齋中漫擬停雲賦，門外時來問字車。
災變有誰能慰主，風塵無地可安居。
從來志士多沉困，莫歎蕭條釜有魚。

友山詩贈李隱君

卜居偏傍海雲深，獨對青山歎素襟。
時有烟霞生洞壑，還看花鳥媚園林。
新開曲沼頻觴月，漫引清風自鼓琴。
已分漢陰機盡息，白頭長賦採芝吟。

贈張晴人

衡門何事獨樓遲，牢落江湖白髮垂。
睡起但將書卷展，客來還用廢屨炊。
空談白壁悲前事，每對青山憶故知。
世路

只今多變態，逢人莫賦四愁詩。

簡竹墟

采芝共爾入青山，只尺如何見面難。
傲世已應忘盥櫛，避人長自煉金丹。
幽齋擬下陳蕃榻，止關誰彈貢禹冠。
贏得雲林高卧穩，莫將風月等閒看。

次韻送葦厓赴閩藩

唱罷驪駒未擬還，夷猶不是戀祥關。
興來每喜同高詠，別後空令憶舊顏。
萬里雲霄騰彩鳳，三秋魂夢落青山。
逢人問我今何似，只在清溪白石間。

丁巳生日

按箏只愛碧溪深，遠屋紛紛草樹侵。
長以金丹調病骨，聊從東石洗塵心。
種瓜自有青門伴，對酒時為白紵吟。
海上瀛洲知不遠，休將朝市溷幽襟。

村居寫懷次友人韻二首

風塵役役總難堪，贏得山中睡正酣。
舊有詩書充座右，新栽松菊傍城南。
烟霞遠近依青嶂，星月參差映碧潭。
小徑蓬門終日啟，時延益友會成三。

村居握手夜談經，憶昔追懷鬢尚青。

滿徑烟霞人共老，一簾風月鶴初醒。
長因往事悲華髮，賸有新詩入畫屏。
世事升沉君莫問，只應閉戶誦黃庭。

次韻答竹墟見訊

何事明時早掛冠，江湖贏得酒杯寬。
采芝自有南山伴，鳴

玉慚為漢署官覽鏡不禁悲白髮微書何意望青鸞與君
同是傷秋客問水尋山且共歡

丁巳長至

六街鐘鼓動晴光管領春風到草堂環珮已辭金殿侶芝
荷初製野人裳輞川泉石寒爭麗蓬島樓臺日漸長自分
楊雄甘寂寞幽居無意賦長楊

竹墟席上用家字

盡棟連雲水上家新添曲館徧栽花已無俗鳥驚栖鶴時
與仙朋醉落霞星散銀河垂雉堞風生漁浦亂葦葦不知
門外霜華白擊節高歌興未涯

至後漫興吹雨晴

支園定集卷之五

九

仙隱何妨白髮新鄉園又復值佳辰庭栽綠竹多題字囊
有丹砂不厭貧到處雲山為伴侶閒將詩酒弔花神鑑湖
自是饒風月何用千錢別買隣

次韻答朱東籬見贈

自賦歸來碧海東稚童釣叟日相從由來楚國輕和璧不
信今人好畫龍點易臺邊淩沈淩樓閣上對芙蓉但將
文字酬知己勲業何須勒景鐘

贈三子詩

月漁盧溪

蓬島仙人市上居閉門終日誦靈樞十洲丹藥誰同採百
道甘泉手自斟花塢月明吹玉笛江城春暖醉還來

剩有耽詩癖傳與人間作畫圖

東籬朱應葵

漢落經年一散裘醉來談咲看吳鉤史雲塵翫非為塞司
馬山川豈浪遊扣角有時歌白石濯纓終日傍清流文章
自是能名世不用人間萬戶侯

春塘沈明臣

無媒得達廣寒宮鼓瑟齊庭柱自工悵望風雲連薊北空
傳題詠滿江東天邊相府羞投謁歲杪鴉衣擬送窮世上
龍蛇誰復辨草玄聊自學楊雄

歎白髭

朝來何事忽與悲鏡裡紛紛見白髭自歎馬援心獨壯誰

支園定集卷之五

憐李廣數偏奇仙師誦我迷丹訣造化弄人如小兒誠把
朱絃和古調知音空自憶鍾期

寄許茗山

按贈憐君綠綺琴一彈一曲舊知心高眠草閣有清夢靜
對春禽懷好音遠興漫期青雀舫相思都寄白頭吟已知
空谷無人跡只尺書來比萬金

丁巳除夕

搖落餘生已不禁椒盤入手更驚心逃名海上耕漁慣鍊
藥人間歲月深紫極風雲頻北望青山猿鶴舊知音朝來
試奏陽春曲不是栖栖哀鳳吟

詠紅梅

仙姿綽約醉丹砂逸態分明吟影
來寒谷關香霞霓裳度曲嬌無力絳節傳春澹不諱錦字
三千誰寄贈上林桃杏未須誇

春陰

青陽散盡九州春何事陰靈却妬人花氣襲衣牽薄霧山
嵐帶水留香塵林稠不礙雲行細日暝猶聞鳥嘒頻太液
池邊芳草色空將羅綺關鮮新

寄韋南若

丘壑棲遲歎索居故人懷抱復何如采芝天目長騎鶴弄
月苕溪獨釣魚鏡裏容顏寧似昔天邊朋舊漸應疎千年
丹藥合成否鴻鴈來時好寄書

為竹墟悼亡姬

玉人何事厭塵凡却向瑤池禮衆仙頃使金闈成寂寞時
將環珮憶嬋娟食稠不耐秋風冷琴瑟空憐夜月圓最是
夫君傷白髮每臨粧鏡獨淒然

贈覺心禪師

早辭凡界落招提占得禪關枕碧溪揮麈瑤階調鶴舞停
琴竹院聽鶯啼叢林風靜天花繞芸閣春深玉樹齊欲問
何年還出定試看飛錫赤城西

壽東湖黃公八十

早歲鳴珂侍玉宸却因辟穀解朝紳時從鄭谷耕南畝漫
學任公釣巨鱗白髮自誇丹藥就青禾頻見惠蘭新仙居

只尺錢湖上風月千秋作主人

次竹墟雨後見月

雨深泥滑少過逢忽見嬋娟出萬峯影落銀河驚燕雀光
浮玉樹倒虬龍階前碧草寒生色溪上芳花澹靨容但得
隣翁沽酒朝朝策馬會相從

次韻壽金近山近山築室孤山之麓

方朔元來是謫仙陸沉金馬已多年歸來丹藥爐中就老
去文章海內傳梅鶴故依和靖宅江湖爭羨米家船幽棲
自有長生訣不用重尋老氏篇

贈施引之引之能詩屢應武舉

將軍磊落稱人傑武畧文鋒世罕儔射石每從青海過擒

李國定集卷五

霞擬伴赤松遊非食時印趨雙闕聊藉微書識九州題盡
江山歸故里珠璣成卷筆成丘

贈楊雙坡

月湖東畔結幽廬面面青山瞰碧渠遠屋盡為栽藥園揮
金帷購課兒書朱絃日奏陽春曲芳草時迎長者車莫道
山林終寂寞漸看蘭桂滿庭除

它泉詩

它泉吐麓是君家遶屋清泉勝若耶曲澗洩雲長作雨寒
潭映月自舒霞餘波到處成棠蔭白首歸來理釣槎南望
丹丘真只尺輞川圖畫未須誇

贈楊木山

分得蓬萊古樹枝，粧成庭院小山奇。雨中時見虬龍舞，月下長看牛斗垂。睡起披襟探海岳，興來把酒詠漣漪。向平已了人間事，好去靈巖覓紫芝。

詠杜鵑花次東籬韻

誰剪巴雲片片齊，陽臺春盡夢還迷。宮娥競試霓裳舞，帝子偏傷夜月啼。錦帳舒霞踈影亂，胭脂看雨翠翹低。逢人似解相歡譁，長伴清尊白日西。

端陽舍下雨集即席限韻

澄湖斜抱草堂前，綠樹參差上拂天。芳醕自壺酬令節，陽春一曲度朱絃。輕雲暗濕花間席，細雨徐添石上泉。自是故園風物好，山中潦倒不知年。

李園寒集卷十五

五

赴蛟川舟中即事

蘭舟出郭曙星微，夾岸疎籬翠作圍。雲裏青山時吐樹，橋頭白雨故沾衣。求魚小艇爭潮出，踈犢村童逐燕歸。惟願邊臺烽火息，考槃終日閉柴扉。

詠金氏石假山

門牆尺尺列奇峯，滄海風濤在眼中。陰洞細分瑤草碧，晴霞併入石榴紅。人間亦有神仙窟，天上虛疑日月宮。却嘆平生好幽勝，曾中丘壑與君同。

中秋對月三首

皓月中秋分外明，况逢三五鑑光盈。銀河倒湧清溪練，玉樹交輝不夜城。花樹微歡開綺席，江樓度曲引鸞笙。却憐

仲蔚庭蒿滿空把，琴尊待友生。

碧漢無雲皓魄圓，小山叢桂展芳妍。金波掩映芙蓉嶂，玉鏡浮沉菡萏川。仙客瑤臺歌宛轉，佳人錦字泣嬋娟。清秋自是饒風月，好向蘭洲繫酒船。

北斗闌干粲草堂，空庭明月白於霜。光浮石鏡寒流玉，影入珠林巧弄粧。水澤魚龍驚不定，戍樓笳鼓怨偏長。豪門猶自酬佳節，共簇朱絃動羽觴。

金近山以詩寄贈次韻奉酬

從來風雅推公久，老去詩篇積漸多。猿鶴有緣隨杖履，風塵無地不干戈。登樓只愛青山好，覽鏡其如白髮何。九十高年尚強健，瀟湘仙侶未能過。

李園寒集卷十五

古

良甫姪以詩為壽次韻自賦

卜居元傍水雲村，樵唱漁歌日到門。林外已無車馬至，人間空有姓名存。休將歲月傷蓬髮，漫引烟霞入酒尊。海上仙朋如可即，乘槎直擬到崑崙。

風雨書懷三首

淒淒風雨暗城頭，寂寞蓬門斷過驢。梧柳蕭疎黃葉亂，樓臺遠近白雲浮。閒居漫擬潘郎賦，病骨偏憐晏子裘。鴻鴈歌謠正愁絕，空餘塵壁掛吳鉤。

栽花種竹遶階除，燕息無心賦子虛。早向天邊依日月，時來江上伴樵漁。親朋對酒新成社，稚子牽衣學受書。百畝躬耕堪代食，莫言生計太蕭疎。

青山綠水結茅茨何事楊朱泣路岐已喜到門無俗駕還
憐尤佩有瓊枝每因不寐裁詩句時為多愁喚酒卮醒醉
眼前誰復問幽懷惟有故人知

賦新池次雨晴韻

琴尊常對小山前添得華池引碧泉密藻藏魚寒噴玉空
庭流月淨連天長虹影落簾櫳外素練光浮几席邊時有
高人歌白雪朝川圖畫許同傳

贈淡雲都綱六十

早向叢林結淨緣沙門領教亦多年凌雲爭卓山頭錫咒
鉢時生掌上蓮竹院春風閒聽鳥石壇草靜參禪相逢
欲問長生訣迦葉從來有秘傳

芝園定集卷五

陳棟塘以詩見訊次韻酬答二首

羨君蘭桂已盈庭幾向雲間聚德星南國舊傳招隱賦韋
家元有課兒經疎林夜月清溪笛芳草春花白鶴亭自是
故園風物好却憐踪跡等浮萍

海國初聞息戍笳應從石室誦南華問奇爭向高人宅看
竹偏尋隱士家到處鷗鷺將盡舫時從鷄犬試丹砂相思
漫擬停雲賦天目迢迢望轉餘

寄韋南若二首

幾年逃俗住深山抱甕芳春藝鹿蘭載鶴每乘青雀舫彈
琴時坐白雲間題詩已遍三才界却老初成九轉丹欲問
故人何所事朝朝把釣傍江干

當年傾蓋即相知却向天涯怨別離貝錦尚驚河洛事風
流今見峴山詩共將歲月傷蓬鬢空把風塵泣路岐枕石
淪芝君自足暮雲春樹總興思

悼亡妾

巾櫛相從少壯時流光荏苒髮成絲百年空負熊羆夢一
夕奄成薤露悲月冷粧臺虛寶鏡塵生綉閣掩鸞帷河橋
芳草萋萋綠腸斷春風泣子規

贈內子六十生旦

琴瑟和鳴四十年共驚雙鬢已皤然從來茶夢長相慰轉
憶風塵更可憐燕翼未徵麟鳳瑞恩齊長詠藻蘋篇閨中
況有鵲鳩惠不愧當年舉案賢

芝園定集卷五

春日燕陸會泉村莊

誰開仙園傍瀛洲野外相將李郭舟曲徑斜陽籠樹清
溪積霧抱階流花前對酒頻移席竹裏聽鶯共倚樓不獨
主人能愛客青春勝地可淹留

梁雨嘯載酒遊柳亭庵

甬水堤邊引畫船長春春色正堪憐祇因泉石先辭吏時
為烟霞數扣禪綠柳青莎迷短徑落霞孤鶩帶清川山中
自有遊遊伴對酒還歌伐木篇

燕吳景川宅

愛爾澄湖草堂靜青松白鶴共為家不須臺榭追金谷自
有禽魚類浣花竹院風清歌白雲河橋月出醉流霞主人

滿散真無比學士風流未有涯

景川父為北川學士

立夏日李孝甫招遊祖關次雨晴韻

海甸俄驚朱夏臨尚餘春色在緇林壺觴不盡尋芳興
鶴應知邀世心曲徑繁花晴散綺虛簷綠竹亂鳴琴
禪關自與塵凡隔白石清溪愜素襟

贈柴少尹

早從盤錯試龍泉拂袖歸來訪列仙
白日鈎簾閒對奕清宵下榻靜談玄
庭前徧種調丹藥海上惟耕紫鶴田
共羨芝蘭春正好宜家况有孟光賢

壽竹墟六十

清時早已謝簪裾却向滄江獨釣魚
對客每傾千日酒閒

李開先集卷十五

七

門還誦五車書耕樵未信謀生拙
朝市虛疑問訊誤莫道東山高卧穩
蒼生屬望竟何如

贈嘉甫六十

生同年月不同時問字傳經亦共師
早羨文章能獨步却憐寶劍有誰知
倦遊司馬羞題柱好道王維喜賦詩
甲子已週頭未白蓬萊應自有仙姿

贈興甫六十

生年六十與君同何似逍遙澗壑中
日出卧聽溪上鳥閒來時奕柳邊風
尋真自有丹丘伴守黑還同河上公
漫憶嬉遊如昨日于今已作白頭翁

六十生旦志感

東歸窮經獨下帷青春鳴玉覲丹墀
驅未展經綸斐偏憐貝錦詩家似茂陵
長病渴耕從谷口未憂飢鏡中白髮年
年換草莽空懷漆室悲

燕集包少尹宅即席限韻

仙居窈窕碧山陲社友過從宿有期
星斗亂搖瀛海樹烟霞浮動竹林危
風生近市城鐘度月轉空庭石壁移
醉後相看歌白雪不知簾外漏聲遲

已未除夜過碧堂小集限韻因成首尾吟二律

殘年繾綣亦何情浮世光陰轉眼更
銀燭共驚疎鬢改梅花又傍短簷明
六街鐘鼓虛相妒四海風塵總未清
柏葉椒盤惟此夕不禁玉漏暗傳聲

李開先集卷十五

八

不禁玉漏暗傳聲瓊館華燈酒復清
梧竹正憐三徑好星河遙望九霄明
天涯尺素誰投贈故里人烟幾變更
潦倒山林甘寂寞殘年繾綣亦何情

春日閒吟次竹墟

乾坤何處寄閒身野鹿山禽總是親
叔夜已知人共棄長卿無奈病偏新
每因採藥窮三島虛擬乘槎遍九垓
春去春來君莫問且將觴詠樂吾真

十八夜心遠堂觀燈即席限韻

賀鑑湖邊結草堂還憐佳節續瑤觴
珠璣巧結千絲縷錦綺齊添五夜光
已訝星河浮島嶼即看雲霧遶衣裳
酒醒似海應難醉細雨空庭玉漏長

春日飲陸會泉宅限韻

懷抱逢春自覺舒
湖上訪仙居
烟霞不減桃源勝
風月遙分剡水餘
座上琴尊長得共
門前車馬未應疎
林花野鳥俱為伴
還擬蘭舟汎碧虛

與莓屋話別次竹墟

早歲聯翩入漢京
彈冠長念故人情
壯猷自許青萍重
塵世誰憐白壁輕
關風雲瞻北極
河橋花柳伴春程
廟謨安撫今何似
好把時艱達帝城

雨中看花

年來不惜買花錢
管領春風小院前
曲檻嬌枝寒弄雨
華池艷色靜舒烟
閨中錦綺休相妒
天上嫦娥亦自憐
莫道

芝園宋集卷三

十九

野人全寂寞
逍遙還擬十洲仙

崇思泉宅燕集限韻

又向仙家聚德星
瑤篇錦字爛盈庭
青萍轉盼心猶壯
白紵高歌酒未醒
三徑繁花晴簇綺
四隣芳樹雨分青
不禁玉漏催歸騎
會見銀河落翠屏

閒居漫賦
夢中得領聯
景尤成之

湖上層樓瞰紫霄
手栽蘭桂滿庭皋
閒從方外尋靈藥
醉向尊前賦寶刀
碧沼簾櫳寒夜月
淅江風雨亂春濤
欲知張仲幽棲地
門外蓬蒿積漸高

賦石假山初成

小山湖畔足幽棲
學種蓬萊五色芝
掃徑有時眠白石
濯

纓終日弄華池
參差巖岫窺簾幙
爛熳烟霞落酒卮
自是胸中富丘壑
朝川圖畫未為奇

次南禺見懷之作

一月茅齋畫掩扉
園林何處覓芳菲
江干密樹晴還雨
枕畔浮雲濕故飛
烽火幾年猶未定
交遊四海半應非
休言王貢彈冠事
白日清沙且共依

秋日集柳亭次韻

竹院尋僧舊有期
逢烟雨入秋奇
城頭風細聞鐘近
水際林深得月遲
戲折黃花杯共倒
醉憐白石坐移時
一天星斗渾如曙
蘭漿逍遙任所之

村居漫賦四首

芝園宋集卷三

主

無端世事等浮漚
滬海上耕漁老一丘
只有衰顏對秋草
不禁清夢落滄洲
蘇門洞壑留長嘯
湘浦蘭蓀憶遠遊
共說干戈今漸息
杞人何事獨深愁
習習西風吹敝廬
坐看林木漸蕭疎
壺中日月堪逃世
病裏光陰強著書
溟海寒雲爭洞壑
扶桑旭日引樵漁
嵇康故有林泉癖
猶喜門無駟馬車

江上蕭蕭木葉黃
三農何處賦千倉
短筇曲徑雲生屐
長笛高樓月滿觴
已有鷗鷺堪作伴
還憐松菊未全荒
時人欲問幽棲處
流水桃花不盡藏

沉淪非竊隱
居名應得丹砂丸
轉成早脫樊籠成獨往
不
禁婚嫁尚牽情
風驅落葉頻驚鶴
雲擁青山宛作城
正欲

重竿向南渚却逢鄰叟話春耕

燕包參軍宅即席次韻

幽居時有問山情積雨纔收出郭行
馬首不禁楓葉亂
前還喜菊花明
帆檣遠近寒迎日
樓閣參差曲抱城
白髮何人更知已
相逢莫厭酒杯傾

新構小樓作

小結層樓湖水陽紛紛梧竹近成行
登臨不減庾公興
遊衍還同漫叟狂
驟引溪山環坐榻
新題風月入奚囊
出門便是桃源路
枕石冷雲白髮長

晚眺

經旬無客款柴門
泰鶴偏宜水竹村
閒與隣翁談里閭
時

李園定集卷五

主

從稚子課雞豚
平原落日雲千頃
白髮青山酒一尊
安得層臺高百丈
眼看海屋變朝昏

冬日涵碧堂燕集即席次韻

衡門數枉高人駕
對酒高歌伐木詞
自以泥蟠長傲世
誰言藿食尚憂時
草堂地僻湖光靜
竹徑陰深日影遲
野性近來殊不惡
逍遙何用海鷗疑

聞東明侍郎賜吹韻有作

鳴玉還朝已後期
誰云投杼復生疑
從來和璧偏遭則
豈識鹽梅好濟時
特達自應流俗忌
忠貞還有聖心知
山人久已驚談虎
為爾長吟貝錦詩

題李友山村莊

誰開仙圃傍城隅
翠壁參差擁畫圖
地近滄溟先見日
川迴沙岸曲通衢
簾櫳時啓雲常入
野客初來鳥共呼
盡說此中堪避俗
幽棲還擬著潛夫

送沈嘉則遊三吳

無人歲晚不懷家
爾獨何為汎海槎
醉撫龍泉輝斗極
閒吹鐵笛落梅花
漢宮長為蛾眉妬
宋客偏將燕石誇
莫向窮途空灑泣
五湖風月是生涯

冬月見海棠花次梁博士

葭灰纔報一陽回
何事春花鬪臘開
自有嬌姿寒弄玉
還將艷色故欺梅
騙驢會向雕闌舞
綽約渾疑麗錦裁
日暮美人期不至
高齋獨坐漫吟杯

李園定集卷五

主

飲李友山別業即席賦

曲巷蓬門盡日閒
偶從逸客訪仙關
青山只在簷櫺外
綠水交流几案間
風雨不妨杯共倒
兒童應笑髮俱斑
最憐出郭心如洗
為擬尋幽數往還

改作石假山次葦屋

釣月淪霞祇自娛
為山兩度復何如
亭臺未擬平泉勝
松菊還同栗里居
湖上雲生長近榻
風前花落數驚魚
何人載酒來相訪
剩有琴書滿坐隅

翫牡丹吹竹塢

名花纔放滿庭丹
冉冉嬌姿尚怯寒
綵袖輕盈風乍起
霓裳綽約雨初乾
誰憐國色偏多妬
自許貞心未可干
盡日